

DR JUNG STAINLEMER



In därem Ussgoob:

| | |
|------------------|----|
| Begriessig | 2 |
| Intärns | 3 |
| Siiger-Interview | 5 |
| Homepage | 9 |
| Offiziells | 10 |
| Rätselegge | 11 |
| Ussbligg | 12 |

Begriessig:

Sali zämme,

Es isch wieder sowit, kum händ ihr die letschti Ussgoob vom Junge Stainlemer gläse, liggt au scho s näggschten Exemplar in eurem Briefkaschte. Und es isch dr letscht Stainlemer vor de "drey scheenschte Dääg" im Jahr.

Im Mittelpunkt vo därem Ussgoob stöhn s Intärne und s Offizielle Bryysdrummlen und -pfyffe. Vom Intärne hämmer für euch, näben einige Bilder, en Interview mit em früsch baggene Siiger vo de Junge Tamboure vorbereitet. Au vom Offizielle gits Erfreulichs z brichte: ihr sind in allne Sektione verdrätte gsi und händ mit guete Leischtige zum Teil tolli Platzierigen erreicht, nammentlig dr Max Felder mit eme sensationelle 9. Rang im Final vo de Junge Dambuure. Härzliggi Gratulation! E Bild vom stolze Finalischt und au alli andere Blatzierige findet ihr e baar Sytte wyter hinde im Stainlemer.

So dodrmit wär s Wichtigschte gseit, mir wänn euch nid wyter uffhalte und wünsche wie immer vil Spass bim Lääse vo dr Huuszyttig vo de Junge Stainlemer.

Dom & Niggi

Intärns

Au das Joor (aso letscht Joor) het s Bryyspfiffe und -drumme wieder erfolgriich stattgfunde und het jedi Mängi Stainlemer und Familie ins Säali vo dr St.Josephs Kirche gloggt. Dr offiziell Teil isch vo Rekord nur so explodiert und au im Kürteil het sich gschichtsdrächtigs abspiilt.

Aber mer fön emol vorne a: ab de viere het me könne Piccolovirtuose und Drummelhünd bestuune und isch sicherlig nid entdüscht worde. Vo der Binggiskonkurränz bis zu dr Junge Garde het e jede Teilnämmer zeigt, dass er giebt het und barat isch für d Fasnacht (wo zwar zu däm Zytponggt no 72 Dääg entfärnt gsi isch).



Intärns

Nach eme so sensationelle Pflichtteil, isch am 7i d Rangverkündigung und dr Kürteil durch dr Stamm eröffnet worde. Noch däm die luschtige Naterskoschtym verschwunde sin het dr Michel s Wort wieder ergriffen und e spannendi Rangverkündigung vorgstellt.

Bi de Junge Tamboure het dr Philipp Löffel zum 3. mol hinter enander putzt und wird wyter hinde miteme Interview nomol speziell gwüdigd. Dr Pfyfferkönig bi de Junge heisst eimol meh Remo Wittlin, au är mit ere Sensationsleischtig, zum 4. mol het er gwunne!

D Binggis hän ebefalls 2 Könige erkore, bi de Tamboure isch das dr Dominique Räber und bi de Pfyffer dr Jens Steiner. Gratulation euch alle!

Und nomol alli vier strahlende Siiger:



Siiger-Interview

Interview mit Trommelkönig Junge Garde 2008
Philipp Löffel

1) Gratulation, 3.mal hintereinander, noch nie dagewesen, wie fühlst du dich?

Nicht schlecht. 3 mal hintereinander zu gewinnen ist natürlich super. Dennoch war ich überrascht und hätte nicht erwartet wieder zu gewinnen, und wenn dann nur knapp, wegen meines Aussetzers. I finde aber, dass fair juriert wurde.

2) ist dir schon klar was das bedeutet, der erste Tambour zu sein der 3mal hintereinander gewinnt?

Ich habe mir im Vorfeld den Teller angesehen und bemerkt, dass alle anderen bisher höchstens 2 mal gewinnen konnten, was meinen Sieg umso schöner macht!

3) Wieviel Zeit hast du in deine Vorbereitung gesteckt?

Letzte Woche habe ich am Solothurner Grand Prix teilgenommen, was sich als gute Vorbereitung erwies. Ich habe in etwa gleich viel Übungsaufwand betrieben, wie jedes Jahr. Das bedeutet ca 20 Minuten trommeln pro Tag, wobei ich manchmal ganze Märsche spiele und dann wieder nur einzelne Passagen. Ausserdem übe ich noch für die Knabenmusik Basel.

4) Wie hat dir das Intärne gefallen? Was meinst du zum Sieg der Fääläberli?

Es hat mir gut gefallen. Die Leinwand war mal etwas anderes und ergänzte die Auftritte gut. Es gab gute Beiträge im Kürteil und der Sieg der Fääläberli war verdient, zumal sie noch nie zuvor gewonnen haben.

Siiger-Interview

5)Wie sieht deine Zukunft aus? Nimmst du am Offiziellen teil?

Ich wollte ursprünglich nicht mitmachen, werde es mir aber nochmals überlegen, da Andi mich schon angemeldet hat. Ich werde aber auf jeden Fall mit der Tambourengruppe und mit der gemischten Gruppe teilnehmen.

6) Welche Tipps hast du für deine jüngeren Kollegen?

Auf jeden Fall viel üben. Mitglied in der Knabenmusik zu sein schadet auch nicht. Am ZTPV-Lager teilzunehmen macht Spass und bringt einen musikalisch weiter. Sich innerhalb der Jungen Stainlemer zu engagieren und bei Anlässen (z.B. Tattoo) mitzuhelfen ist lustig und man unterstützt die Clique.

Besten Dank Philipp!



Intärns



Jetzt wo dr Druck vo de Schultere vo allne Akteure wäg gsi isch, hän sich die verschiedene Gruppierige umzoge und barat gmacht für dr Kürteil. Z erwähni sin drei Showacts wo usser Konkurränz gstartet sin. Die Junge Pfyffer hän mit dr Gruppe wo später ans Offizielle Bryyspffyffe gange isch e hochkarätige Ufftritt performt.

Grad aschliessend hän d Stainemyte mit em e wie erwartet mitrissende Ufftritt d Zueschauer zum Tobe brocht.



D Stefanie Bosshard het s Publikum mit Querflöte-Tön par excellence bestoche. Si isch extra vo Lyon, wo si Musik studiert, nach Basel ko. Guet vilicht au kli will grad zuefällig Semeschterferie gsi isch und d Wiehnacht vor dr Tür gstande isch ;)

Dr Kürteil

D Kürteilkonkurränz het wie jedes Joor starki Ufftritt beinhalten und sisich für die verwöhnti Jury (s Publikum) au das Joor schwierig gsi z entscheide wär jetzt do krönt wärde sott. Denn ob d Binggis-Tamboure vom Raymond mit de lärmende Fässer und Gitarresolis oder d Pfyffer vo de



Junge mit em Gangsta-Ufftritt in dr Staine oder dr Staine-Rap zum mitsinge. Denn hän d Binggis Tamboure mit em FCB-Hool-Ufftritt brilliert gfolgt vom SAMBA-Ufftritt wo kli Summer brocht het. Fascht z letscht sin d Färläberli mit Ihrem „Retraite blanche“

uffträtte und hän so mänye Tambour in Sache Wirbel in Sack gsteckt. Dr lang erwartet erscht Ufftritt vo dr Leschiong Baluas het näbscht Drummle und Perkussion au no dr Hanschpi beinhalten.

Nach eme änge Stäche bi dr Siigerehrig vom Kürteil, hän denn völlig überraschenderwyys zum erschte mol d Färläberli s Publikum am meischte könne überzüüge und dr Wanderpryys für zumindest ei Joor könne ipacke.



Dr Jung Stainlemer goes online!!!



www.jungi-stainlemer.ch

In Kürzi wird euri homepage unter dr Adrässe vo oobe uffgschalte.

Das bedüetet für euch, dass ihr nid nach jedem Stainlemer 2 Mönnet miend warte, sondern euch zu jedere Zyt über die neuschte Events könned informiere. Drzue könned ihr koschtelos (!) alli aktuelle Bricht und Föteli läsen und aluege!

S Offizielle Bryysdrummlen und -pfyffe 2009

Au das Jahr hän vili vo euch am Offizielle Bryysdrummlen und -pfyffe mitmacht, won ihr mit zum Teil tolle Leischtige glänzt händ. Knapp nid für e Finalplatz glängt hets dr Tambuuregruppe sowie au dr Pfyffergruppe. D Tambuure hän sich uf e guete 9. Platz gruesst und hän dodrmit dr Final lediglig um ei Rang verpasst. D Pfyffergruppe isch zwor uff en ehrewärte 6. Platz ko, aber au do hets um zwei Rangierige leider nid ganz für e Final glängt. In dr gmischte Konkurränz isch d Rangierig leider nid ganz eso roosig usgfalle, aber wie seit me so schön: drby sy isch alles!

Absolut brilliert het allerdings dr Max Felder in dr Kategorie Jungi Tamboure. Mit ere saggstarge Leischtig het är sich im Final uf e sensationelle 9. Rang drummet und het dodrmit beschti Wärbig für die Junge Stainlemer gmacht. Härzliggi Gratulation!!! Do unde gsehn mir dr Max bi sinere Finalvorstellig am Samschtig uff dr grosse Bühni vo dr MuBa.



Rätselegge

Findsch die 5 Fähler im untere Bild?



Lösig vom Rätsel:

1. Em Jens sini Hoor 2. S Logo uff em Philipp sym Pulli 3. s Staine-Lätärnli
4. S zweite Fasnachtstfigurli 5. Em Philipp sy rächte Schueh

Ussbligg:

Und scho bisch du leider wieder uff dr letschte Sytten ako. Und uff däre Sytte kunnt wie immer dr Ussbligg uff die bevorstehende Alöss, wo sich zu däre Jahreszytt vor allem um d Fasnacht und Fasnachtsvorbereitige dreihe.

Do hätte mr ass Erschts d Allschwiler Fasnacht, won ihr am 22. Hornig wie jedes Jahr als Fasnachts-Hauptproob nutzed.

Am 1. März isch denn die letschti Marschiebig vor däre Fasnacht. Am glychen Oobe folgt denn s Latärneypfyffe im Innehof vom Schöne Huus am Noodlebärg bevors am 4i am morgge vom folgende Daag denn ändlig los goht.

Dr Fasnachtsabschluss bildet wie immer dr Fasnachtsbummel am 3. Bummelwuchenänd am 22. März. Jetzt blibt uns eigentlich nüm vil anders übrig als euch e wunderschöni Fasnacht 2009 z wünsche. Bis zum näggschte Moll!

Dom&Niggi

Dr Appetit uff d Fasnacht wird grösser und grösser...

